



Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

Broj: 06-11-38680/24
Sarajevo, 04.09.2024. godine

Na osnovu člana 56. stav (4) Zakona o dopunskim pravima boraca - branitelja Bosne i Hercegovine („Službene novine Kantona Sarajevo“, br. 31/22 i 8/24), člana 4. stav (2) i člana 27. stav (2) Pravilnika za utvrđivanje prava na dodjelu jednokratne novčane pomoći („Službene novine Kantona Sarajevo“, br. 7/24 i 20/24), a u skladu s tačkom 24. Javnog oglasa za podnošenje zahtjeva za ostvarivanje dopunskih prava porodica šehida i poginulih boraca, ratnih vojnih invalida i demobiliziranih branilaca u Kantonu Sarajevo za 2024. godinu, broj 06-37-5385/24, objavljenog u listu „Dnevni avaz“ dana 27.02.2024.godine. Ministarstvo za boračka pitanja Kantona Sarajevo,

o b j a v l j u j e

JAVNI POZIV ZA SUFINANSIRANJE-DODJELU NOVČANIH SREDSTAVA ZA RJEŠAVANJE SOCIJALNE POTREBE GRIJANJA BORAČKOJ POPULACIJI U KANTONU SARAJEVO

Predmet Javnog poziva je ostvarivanje prava na dodjelu jednokratne novčane pomoći u vidu novčanih sredstava za rješavanje socijalne potrebe grijanja boračkoj populaciji u Kantonu Sarajevo iz sredstava Ministarstva za boračka pitanja Kantona Sarajevo planiranih Budžetom Kantona Sarajevo za 2024. godinu.

Na ovaj Javni poziv zahtjeve mogu podnositi pripadnici boračke populacije sa područja Kantona Sarajevo koji su određeni u članu 1. Zakona o dopunskim pravima boraca-branitelja Bosne i Hercegovine („Službene novine Kantona Sarajevo“, br. 31/22 i 8/24) (u daljem tekstu: Zakon) i to: članovi porodica šehida, članovi porodica poginulih, umrlih i nestalih branioaca, ratni vojni invalidi i članovi njihovih porodica, dobitnici ratnih priznanja i odlikovanja i članovi porodica poginulih, umrlih i nestalih dobitnika ratnih priznanja i odlikovanja, demobilizirani branioци, dobrovoljci, organizatori otpora, veterani, ratni vojni zarobljenici i mirnodopski vojni invalidi, a u skladu sa Pravilnikom za utvrđivanje prava na dodjelu jednokratne novčane pomoći („Službene novine Kantona Sarajevo“, br. 7/24 i 20/24) (u daljem tekstu: Pravilnik).

1. OBLIK OSTVARIVANJA PRAVA

Pravo na dodjelu jednokratne novčane pomoći u vidu novčanih sredstava za rješavanje socijalne potrebe grijanja boračkoj populaciji u Kantonu Sarajevo ostvaruju lica na način da za čvrsto gorivo ministarstvo vrši uplatu na bankovni račun korisnika, dok za ostale vidove grijanja sufinansiranje se vrši na način da ministarstvo uplaćuje novčana sredstva javnim preduzećima koja isporučuju energente za grijanje korisnicima. Sporazumima sa javnim preduzećima će biti regulisani detalji koji se odnose na uslove i način realizacije jednokratne novčane pomoći za grijanje.

Vidovi grijanja su:

- a) čvrsto gorivo.
- b) centralno grijanje.
- c) plinsko grijanje.
- d) grijanje na struju.

S obzirom na pristigli broj zahtjeva za pojedine vidove grijanja, ministar donosi odluku o sufinansiranju grijanja u kojoj se precizira način i visina sufinansiranja za pojedine vidove.

2. KORISNICI PRAVA

Pravo za ostvarivanje prava na dodjelu jednokratne novčane pomoći u vidu novčanih sredstava za rješavanje socijalne potrebe grijanja boračkoj populaciji u Kantonu Sarajevo imaju socijalno najugroženiji pripadnici boračke populacije iz člana 1. Zakona i to ako:

- a) ispunjavaju uslov prebivališta-boravišta na području Kantona Sarajevo, najmanje 10 godina neprekidno do 01.01. one godine u kojoj se predaje zahtjev za ostvarivanje prava.
- b) su u propisanom roku ovog Javnog poziva predali potpunu dokumentaciju.
- c) podnosilac zahtjeva nema duga po osnovu javnih prihoda (fizičko lice, vlasnik, osnivač/odgovorna osoba) ili ukoliko ima dugovanja prema poreskoj upravi da ima sklopljen sporazum sa poreskom upravom o izmirenju obaveza sa dokazima o urednom izmirenju obaveza po sporazumu (uplatnica, trajni nalog/virman).
- d) su branioци a proveli su u Oružanim snagama R BiH najmanje godinu dana i lice koje je kao maloljetno stupilo u Oružane snage R BiH u periodu datom u definiciji branioca po federalnom zakonu, pod uvjetom da ne postoje okolnosti iz člana 36. Zakona o pravima branilaca i članova njihovih porodica ("Službene novine Federacije BiH", br. 33/04, 56/05 - Ispravka, 70/07, 9/10, 90/17 i 29/22).

3. KRITERIJI ZA RJEŠAVANJE PODNESENIH ZAHTJEVA

Članom 25. Pravilnika su određeni kriteriji za ostvarivanje prava na obezbjeđenje grijanja i to:

- a) pripadnost kategoriji lica iz člana 1. Zakona o dopunskim pravima boraca branitelja Bosne i Hercegovine;
- b) nezaposlenost podnosioca zahtjeva ili članova porodičnog domaćinstva ;
- c) da ukupni mjesečni prihodi, uključujući i prihode po osnovu boračko-invalidske zaštite, po članu porodičnog domaćinstva ne prelaze visinu **(619,60 KM)**, tj. 40% od prosječne plaće ostvarene u Kantonu Sarajevo u prethodnoj kalendarskoj godini;
- d) veći broj članova porodičnog domaćinstva;
- e) da podnosilac zahtjeva nije tekuće godine dobio jednokratnu novčanu pomoć u vidu dodjele novčanih sredstava za rješavanje socijalnih potreba (zadovoljavanja osnovnih životnih potreba).

4. POTREBNA DOKUMENTACIJA

(1) Obavezna dokumentacija koju dostavlja podnosilac zahtjeva za dodjelu jednokratne novčane pomoći za grijanje je:

a) dokaz da je lice iz člana 1. Zakona (uvjerenje o vremenu provedenom u OS R BiH u trajanju od najmanje godinu dana-obrazac FMB-3a, uvjerenje da je korisnik lične invalidnine sa navedenim procentom invaliditeta i novčanim iznosom lične invalidnine, uvjerenje da je korisnik porodične invalidnine sa navedenim novčanim iznosom porodične invalidnine za porodicu poginulog

borca/šehida, umrlog RVI-a, uvjerenje da je korisnik prava na mjesečno novčano primanje za dobitnike ratnih priznanja i odlikovanja i članova porodica poginulih, umrlih i nestalih dobitnika ratnog priznanja i odlikovanja); b) uvjerenje o kretanju za podnosioca zahtjeva; c) kućna lista; d) uvjerenje Službe za zapošljavanje ukoliko je podnosilac zahtjeva nezaposlen, kao i za nezaposlene članove njegovog porodičnog domaćinstva; e) uvjerenje da podnosilac zahtjeva nema duga po osnovu javnih prihoda (fizičko lice, vlasnik, osnivač/odgovorna osoba) ili ukoliko ima dugovanja prema poreskoj upravi da ima sklopljen sporazum sa poreskom upravom o izmirenju obaveza sa dokazima o urednom izmirenju obaveza po sporazumu (uplatnica, trajni nalog/virman); f) dokazi o ukupnim mjesečnim prihodima-primanjima podnosioca zahtjeva i članova njegovog porodičnog domaćinstva po osnovu: radnog odnosa, boračko invalidske zaštite, penzije, samostalne djelatnosti i drugih osnova ili dokaze da ne ostvaruju mjesečne prihode-primanja po gore navedenim osnovama; g) za lica koja se ne nalaze na evidenciji nezaposlenih a imaju manje od 65 godina starosti potrebno je dostaviti potvrdu/uvjerenje iz Zavoda PIO/MIO, da nisu aktivni osiguranici, h) izjava za korisnike čvrstog ogrjeva da isti koriste u zagrijavanju stambenog prostora, a za korisnike drugih energenata prilikom grijanja neophodno je dostaviti račune iz mjeseca januara i juna tekuće godine, iz kojih će biti vidljiv način zagrijavanja stambenog prostora; i) potvrda banke o otvorenom računu; j) izjava o saglasnosti za obradu podataka i tvrdnji da nema dugovanja prema ministarstvu uz obrazac zahtjeva koju je potrebno ovjeriti kod nadležnog organa.

(2) Dokazi iz stava (1) ove tačke dostavljaju se u originalu ili kopiji ovjerenoj od nadležnog općinskog organa i ne mogu biti stariji od šest mjeseci od dana podnošenja zahtjeva.

5. LICA KOJA NE MOGU OSTVARITI PRAVO

Saglasno Zakonu pravo ne mogu ostvariti:

1. Podnosioci zahtjeva koji nemaju prijavljeno prebivalište-boravište na području Kantona Sarajevo **najmanje 10 godina neprekidno** do 01.01. one godine u kojoj se predaje zahtjev za ostvarivanje prava.
2. Pripadnici boračke populacije kod kojih postoje okolnosti iz **člana 36. Zakona** o pravima branilaca i članova njihovih porodica ("Službene novine Federacije BiH", br. 33/04, 56/05, 70/07 i 9/10,90/17 i 29/22),
3. Pripadnici boračke populacije koji su podnijeli zahtjeve sa **nepotpunom dokumentacijom**,
4. Pripadnici boračke populacije koji nisu podnijeli **zahtjeve u propisanom roku** ovog Javnog poziva,
5. Podnosioci zahtjeva za koje Ministarstvo za boračka pitanja Kantona Sarajevo provjerom ustanovi da su **dali netačne podatke**,
6. Podnosioci zahtjeva kojima su dodjeljene novčane pozajmice za otvaranje radnih mjesta i novčane pozajmice za rješavanje stambenih potreba, a **nisu uredno izvršili povrat dodjeljenih sredstava** ili ne izvršavaju redovno preuzete obaveze vraćanja dodjeljenih sredstava.
7. Podnosioci zahtjeva koji su u **tekućoj godine dobili jednokratnu novčanu pomoć** u vidu dodjele novčanih sredstava za rješavanje socijalnih potreba (zadovoljavanja osnovnih životnih potreba):
8. Podnosioci zahtjeva čiji ukupni mjesečni prihodi, uključujući i prihode po osnovu boračko invalidske zaštite, **po članu porodičnog domaćinstva prelaze visinu (619,60 KM) tj. 40% od prosječne plaće ostvarene u Kantonu Sarajevo u predhodnoj kalendarskoj godini** .
9. Podnosilac zahtjeva koji **ima duga po osnovu javnih prihoda** (fizičko lice, vlasnik, osnivač/odgovorna osoba).
10. Branioci koji su proveli u Oružanim snagama R BiH manje od godinu dana, a nisu maloljetna lica koja su stupila u Oružane snage R BiH u periodu datom u definiciji branioca po federalnom zakonu i kod kojih ne postoje okolnosti iz **člana 36. Zakona** o pravima branilaca i članova njihovih porodica ("Službene novine Federacije BiH", br. 33/04, 56/05, 70/07 i 9/10,90/17 i 29/22).
11. Djeca poginulih boraca/šehida **kojima je prestalo pravo na porodičnu invalidninu**.

6. ROK PODNOŠENJA ZAHTJEVA

Prijem zahtjeva Ministarstvo za boračka pitanja Kantona Sarajevo će vršiti od dana objavljivanja Javnog poziva u listu „Dnevni avaz“, do 23.09.2024. godine.

7. MJESTO PREUZIMANJA ZAHTJEVA

Zahtjevi na posebno propisanim obrascima sa potrebnom dokumentacijom mogu se preuzeti putem web stranice Ministarstva za boračka pitanja Kantona Sarajevo (www.mbp.ks.gov.ba) i na info punktu ministarstva za boračka pitanja Kantona Sarajevo.

8. MJESTO PODNOŠENJA ZAHTJEVA

Za priznavanje i ostvarivanje navedenog oblika prava, podnose se zahtjevi na posebno propisanim obrascima sa potrebnom dokumentacijom na slijedeću adresu: Ministarstvo za boračka pitanja Kantona Sarajevo, ulica Reisa Dž. Čauševića br.1, 71000 Sarajevo **isključivo preporučeno putem pošte**, sa naznakom na koverti: “**ZA SUFINANSIRANJE GRIJANJA**”.

Informacije vezano za predmet Javnog poziva mogu se dobiti putem telefona info-punkta Ministarstva za boračka pitanja Kantona Sarajevo telefon: 033/562-273.

9. OBRADA ZAHTJEVA

Nakon završene obrade zahtjeva i formiranja liste lica koja su u skladu sa ovim Javnim pozivom, Zakonom i Pravilnikom ostvarili naznačeno pravo, Ministarstvo za boračka pitanja Kantona Sarajevo objavljuje Obavještenje u sredstvima javnog informisanja i web stranici Ministarstva za boračka pitanja Kantona Sarajevo (www.mbp.ks.gov.ba), da će rezultati biti dostupni na web stranici Ministarstva za boračka pitanja Kantona Sarajevo i putem telefona info-punkta Ministarstva za boračka pitanja Kantona Sarajevo (telefon: 033/562-273).

NAPOMENA:

- Obavezno predavati fotokopije dokumenata koje moraju biti ovjerene ili original dokumente, ne starije od 6 mjeseci od dana podnošenja zahtjeva.
- Predata dokumentacija se neće vraćati podnosiocima zahtjeva.
- **Nepotpuni i neblagovremeni zahtjevi se neće uzeti u razmatranje.**
- Zahtjevi se podnose na posebno propisanim obrascima sa potrebnom dokumentacijom na slijedeću adresu: Ministarstvo za boračka pitanja Kantona Sarajevo, ulica Reisa Dž. Čauševića br.1, 71000 Sarajevo **isključivo preporučeno putem pošte**, sa naznakom na koverti: “**ZA SUFINANSIRANJE GRIJANJA**”.

